



WAUSAU SCHOOL DISTRICT

Longfellow Administration Center

415 Seymour Street • P.O. Box 359 • Wausau, WI 54402-0359 • (715) 261-0500 • Fax (715) 261-2503 • www.wausau.k12.wi.us

Stephen F. Murley
Superintendent of Schools

Donald J. Viegut, Ph.D.
Deputy Superintendent
of Education

Cherna A. Gorder
Assistant Superintendent
of Business

Jeffrey J. Gress
Director of Human Resources
and Employee Relations

Wausau School District

Lub tsib hli tim 6, 2009 Xov Xwm Txog Cov Kab Mob H1N1 #2

Raws li peb paub tam sim no:

- Muaj 102 rooj teeb meem uas yog muaj tus yam ntxwv zoo li cov kab mob H1N1 influenza tshwm sim rau hauv xeev Wisconsin, hos muaj tsib rooj teeb meem uas yog paub tseeb tias yog cov kab mob. Tseem tsis tau muaj cov kab mob H1N1 influenza no nyob rau hauv nroog Marathon County txij li hnuv Tuesday, lub tsib hli tim 5, 2009.

LUS TXHAIS QHIA TXOG COV KAB MOB H1N1 INFLUENZA:

- **Poob Siab/Txhawj**-Tub ntxhais kawm ntawv/kws ua dej num muaj ib lossis ntau tus yam ntxwv zoo li cov kab mob H1N1 Influenza:
Cov yam ntxwv xws li ua npaws uas kub taub hau txog 100° lossis siab tshaj thiab muaj ib lossis ntau tus yam ntxwv xws li: 1. Mob taub hau/mob ib ce 2. Hnoos/mob caj pas/los ntswg 3. Xeev siab/ntuav/raws plab
- **Feem ntau muaj tseeb**-Cov kws saib xyuas kev mob kev nkeeg mam li txiav txim seb puas yuav ntsuas cov yam ntxwv mob seb puas yog cov kab mob H1N1
- **Paub tseeb**-Kev ntsuas thiaj yuav qhia tau txog cov kab mob H1N1. (CDC lossis xeev Wisconsin cov chaw tshuaj ntsuam kab mob yog cov saib xyuas kev soj ntsuam)
- Cov kab mob H1N1 yog ib yam kab mob uas kis ib tug dhau ib tug. Txoj kev txwv kom tsis txhob kis ntxiv lawm yog cia cov tib neeg uas muaj yam mob no nyob tom tsev. Tsev neeg yuav tsum tau nco ntsoov siv kev tiv thaiv xws li npog qhov ncauj qhov ntswg thaum hnoos lossis txham, ntxuav tes nrog tshuaj ntxua tes thiab dej, lossis siv cov tshuaj ntxuav tes uas yog cov hand sanitizer yog tsis muaj tshuaj ntxuav tes thiab dej.
- Marathon County Health Department (MCHD) qhia xov xwm rau tuam tsev kawm ntawv txhua hnuv thiab tuam tsev kawm ntawv soj ntsuam xyuas qhov teeb meem no zoo heev li.

Tej uas Tuam Tsev Kawm Ntawv Wausau School District tau ua txog niaj hnuv niam no yog:

- Cov kws ua dej num thiab tub ntxhais kawm ntawv tau txais ntaub ntawv los tom tuam tsev kawm ntawv thiab MCHD qhia txog xov xwm ntawm cov kab mob H1N1, lus qhia txog cov yam ntxwv, kev tiv thaiv, kev taw qhia, thiab kev siv Internet mus tshawb xyuas thaum lub tsib hli tim 1, 2009.
- Tuam tsev kawm ntawv tseem niaj hnuv soj ntsuam xyuas qhov teeb meem no thiab saib xyuas cov tub ntxhais kawm ntawv/cov kws ua dej num, cov yam ntxwv nrog rau kev tu tsev xws li kev ntxuav tej npoo rooj uas tib neeg kov heev. (*Tuam tsev kawm ntawv xav kom cov neeg uas muaj cov yam ntxwv zoo li cov kab mob no mus ntsib thaj maum thiab thov ntawv tso cai ua ntej rov tuaj kawm ntawv*)

Centers for Disease Control (CDC) tau teev txoj cai tshiab txog kev kaw cov tsev kawm ntawv (txij thaum 05-05-09)

CDC tau taw qhia hais tias kom yuav tsum nrhiav txoj hauv kev los txwv tsis txhob pub txhua tus tub ntxhais kawm ntawv thiab cov kws ua dej num uas muaj cov yam ntxwv zoo li cov kab mob influenza nyob hauv tsev kawm ntawv kom yam kab mob no tsis txhob kis mus rau lwv tus. Kev kaw tsev kawm ntawv tsis yog txoj hauv kev zoo txawm yog thaum paub hais tias muaj neeg muaj cov kab mob H1N1 influenza lawm thiab tsis tas li ntawd, yog tias tsis yog sawv daws xws li cov kws ua dej num thiab cov tub ntxhais kawm ntawv sawv daws mob uas yuav muaj teeb meem rau kev qhib tsev kawm ntawv ces yuav tsis kaw tsev kawm ntawv.

- Raws li txhua zaus, tuam tsev kawm ntawv Wausau School District yuav koom tes nrog Marathon County Health Department hais txog kev uas yuav kaw tsev kawm ntawv.
- Niamtxiv yuav tsum tau mus rau hauv tuam tsev kawm ntawv qhov Web site uas yog www.wausau.k12.wi.us mus taug xov xwm txog cov kab mob H1N1 Influenza. Nyem qhov **Swine Flu Info. For Parents** link nyob ntawm homepage.